

ქალაქ ფოთის მუნიციპალიტეტი



კონკურსის მეშვეობით საპროექტო მომსახურების შესყიდვა

ხიდების განათების მოწყობის პროექტირება

შესყიდვის კატეგორია - 71200000 - არქიტექტურული და მასთან დაკავშირებული მომსახურებები
კლასიფიკატორის (CPV) კოდი - 71242000 - პროექტისა და გეგმის მომზადება, ხარჯების გამოთვლა

საკონკურსო განცხადება

კონკურსის მეშვეობით საპროექტო მომსახურების შესყიდვის პროცედურა ხორციელდება „სახელმწიფო შესყიდვების შესახებ“ საქართველოს კანონის 102 მუხლის მე-2 პუნქტისა და 24-ე მუხლის მე-10 პუნქტის „გ“ ქვეპუნქტის საფუძველზე და „კონკურსის მეშვეობით საპროექტო მომსახურების სახელმწიფო შესყიდვის პირობებისა და წესის დამტკიცების თაობაზე“ სახელმწიფო შესყიდვების სააგენტოს თავმჯდომარის 2011 წლის 10 თებერვლის №3 ბრძანების შესაბამისად.

2015 წელი

საკონკურსო განცხადება

1. ქალაქ ფოთის მუნიციპალიტეტის მერია (შემდგომში—ქალაქი ფოთი) აცხადებს კონკურსს საპროექტო მომსახურების სახელმწიფო შესყიდვაზე და კონკურსში მონაწილეობის მისაღებად იწვევს ყველა პროფესიონალ არქიტექტორებს, როგორც ფიზიკურ ასევე იურიდიულ პირებს.

კონკურსი გამოცხადებულია საპროექტო – სახარჯთაღრიცხვო დოკუმენტაციის შედგენაზე

2. შესყიდვის ობიექტია: **ხიდების განათების მოწყობის პროექტირება**

შესყიდვის სავარაუდო ღირებულება შეადგენს - 3 000 ლარს, დღგ-ს ჩათვლით.

4. დაინტერესებულმა პირებმა საკონკურსო წინადადება (ერთ დალუქულ კონვერტში) და საფასურის გადახდის დამადასტურებელი დოკუმენტი უნდა წარმოადგინონ 2015 წლის 2 ივნისის 11⁰⁰ საათიდან 2015 წლის 10 ივნისის 13⁰⁰ საათამდე. შემდეგ მისამართზე: ქ. ფოთი დ. აღმაშენებლის ქუჩა №12. ქ. ფოთის მუნიციპალიტეტის მერია.

5. კონკურსი ჩატარდება 2015 წლის 10 ივნისის 15⁰⁰ საათზე, შემდეგ მისამართზე: ქ. ფოთი დ. აღმაშენებლის ქუჩა №12. ქ. ფოთის მუნიციპალიტეტის მერია.

6. კონკურსში მონაწილეობის საფასური:

6.1 საკონკურსო წინადადების წარდგენისთვის პირი იხდის საფასურს კანონის 19¹ მუხლის პირველი პუნქტით დადგენილი ოდენობით (50 ორმოცდაათი ლარი). საფასური გადაიხდება სააგენტოს ანგარიშზე, რომელიც მითითებულია სააგენტოს ოფიციალურ ვებ-გვერდზე (<http://procurement.gov.ge>).

6.2 საფასურის გადახდის დამადასტურებელ დოკუმენტში მითითებული უნდა იყოს:

ა) გადახდის დამადასტურებელი დოკუმენტის უნიკალური ნომერი და გადახდის თარიღი;

ბ) შემსყიდველი ორგანიზაციის დასახელება და საიდენტიფიკაციო კოდი;

გ) კონკურსანტის დასახელება და საიდენტიფიკაციო კოდი;

დ) საკონკურსო განცხადების სააგენტოს ოფიციალურ ვებგვერდზე გამოქვეყნების შედეგად განცხადებისთვის მინიჭებული უნიკალური ნომერი.

პირის მიერ 6.2 პუნქტით გათვალისწინებული მონაცემების დარღვევით გაცემული დოკუმენტის წარდგენის შემთხვევაში პირის საკონკურსო წინადადება ექვემდებარება დისკვალიფიკაციას.

7. საკონკურსო წინადადება, რომელიც არ შეიცავს საფასურის გადახდის დამადასტურებელ შესაბამის დოკუმენტს არ განიხილება.

8. დაგვიანებით წარმოდგენილი საკონკურსო წინადადება გაუხსნელად დაუბრუნდება კონკურსანტს.

9. წარმოდგენილი საკონკურსო წინადადების ვადა მოქმედებს კონკურსში გამარჯვებულ კონკურსანტთან ხელშეკრულების დადებამდე.

10. საკონკურსო წინადადებით წარმოდგენილი ყველა დოკუმენტი და ინფორმაცია წარმოდგენილი უნდა იქნეს ქართულ ენაზე. დოკუმენტების და ინფორმაციის უცხოურ ენაზე წარმოდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი

11. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს საკონკურსო კომისია.

12. საკონკურსო წინადადებით წარმოდგენილი ყველა დოკუმენტი და ინფორმაცია ხელმოწერილი და ბეჭედდასმული უნდა იყოს უფლებამოსილი პირის მიერ (საჭიროების შემთხვევაში წარმოდგენილი უნდა იქნას მინდობილობა ან რწმუნებულება).

13. საკონკურსო წინადადებაში საერთო ფასი გამოსახული უნდა იყოს დღგ-ს გათვალისწინებით. რისთვისაც კონკურსანტმა უნდა წარმოადგინოს შესაბამისი დამადასტურებელი დოკუმენტი.

14. ანგარიშსწორება განხორციელდება უნაღდო ანგარიშსწორებით ლარში. ფაქტობრივად გაწეული მომსახურების შესაბამისად მიმწოდებლის მიერ დოკუმენტების წარმოდგენიდან 10 (ათი) სამუშაო დღის განმავლობაში.

15. კონკურსანტმა უნდა წარმოადგინოს:

- ა) კონკურსანტის რეკვიზიტები დანართი 1-ის მიხედვით;
- ბ) ინფორმაცია მომსახურების მიწოდების ვადის შესახებ;
- გ) ინფორმაცია, მინიმუმ 3 (სამი) წლის განმავლობაში შესრულებული საპროექტო მომსახურების შესახებ, რომლის შესაბამისად საპროექტო მომსახურების საერთო ღირებულება უნდა შეადგენდეს მინიმუმ 20000 (დანართი 2-ის შესაბამისად). კონკურსანტმა უნდა წარმოადგინოს საპროექტო მომსახურების შესრულების დამადასტურებელი დოკუმენტაცია (ხელშეკრულებები, მიღება- ჩაბარების აქტები).
- დ) საპროექტო ესკიზური წინადადება - განმარტებითი ბარათი (A-4 ზომის ფორმატი, №11 შრიფტი, არა უმეტეს 4 ფურცელისა), გეგმა, განშლა, ესკიზური დეტალები და რენდერები (მინიმუმ 2 ხედი) დამატებით მასალა შესაძლებელია ავტორის შეხედულებისამებრ.
- ე) საკონკურსო წინადადების ფასი დანართი 3-ის შესაბამისად.

16. საკონკურსო დოკუმენტაციის შეფასება განხორციელდება 10 ქულიანი სისტემით. კონკურსანტი გამარჯვებულად ჩაითვლება, თუ მას საკონკურსო კომისიის წევრთა მიერ მიენიჭება ყველაზე მაღალი ჯამური ქულა. ქულათა თანაბრად განაწილების შემთხვევაში გადამწყვეტია საკონკურსო კომისიის თავმჯდომარის მიერ მინიჭებული ქულა.

1	ესკიზური საპროექტო წინადადება (განმარტებითი ბარათი, გეგმა, განშლა, ესკიზური დეტალები და რენდერები)	კოეფიციენტი 0.5
2	დოკუმენტაციის წარმოდგენის ვადა	კოეფიციენტი 0.2
3	საკონკურსო წინადადების ფასი	კოეფიციენტი 0.2
4	გამოცდილება	კოეფიციენტი 0.1

17. გამარჯვებულმა კონკურსანტმა უნდა უზრუნველყოს ხელშეკრულების გაფორმების თარიღიდან არაუგვიანეს 20 (ოცი) კალენდარულ დღეში საპროექტო-სახარჯთაღრიცხვო დოკუმენტაციის წარმოდგენა.

18. გამარჯვებულმა კონკურსანტმა საბოლოო დოკუმენტაციის შედგენისას მჭიდროდ უნდა ითანამშრომლოს შესყიდვებთან და უნდა გაითვალისწინოს მისი შენიშვნები და წინადადებები.

19. საკონკურსო კომისიას უფლება აქვს, ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდა მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე. შემსყიდველი ვალდებული არ არის, კონკურსანტს აუნაზღაუროს შესყიდვაში მონაწილეობასთან დაკავშირებული ხარჯები.

20. კონკურსანტების მიერ წარმოდგენილი ესკიზური პროექტი და სხვა დოკუმენტაცია, ხოლო კონკურსში გამარჯვებულის მიერ ხელშეკრულების საფუძველზე შექმნილი ყველა (მათ შორის საპროექტო-სახარჯთაღრიცხვო დოკუმენტაცია) დოკუმენტაცია წარმოადგენს ქალაქ ფოთის მუნიციპალიტეტის საკუთრებას.

საკონკურსო განცხადებასთან დაკავშირებული განმარტებების მიღება კონკურსანტს შეუძლია შემდეგ მისამართზე: ქ. ფოთი დ. აღმაშენებლის ქუჩა №12. ქ. ფოთის მერია. მე-4 სართული.
საკონტაქტო პირი: - მაია სულავა , ტელ: +995 493 22-45-54
მობილური 599 748 436
ელ.ფოსტა: potitenderi2011@gmail.com
წერილობითი მიმართვის შემთხვევაში – ქალაქ ფოთი, დ. აღმაშენებლის ქუჩა N12, საკონკურსო კომისია

ტექნიკური დავალება

შესყიდვის ობიექტს წარმოადგენს:

ხიდების განათების მოწყობის პროექტირება

აღნიშნული კონკურსის მიზანია ქალაქ ფოთის მუნიციპალიტეტის ტერიტორიაზე, არსებული ხიდების განათების მოწყობა (დეკორატიული ელექტრო განათების ბოძები, სანათით მინიმუმ 3-სანათიანი, დიოდური 60კვ - 90კვ). საუკეთესო არქიტექტურული კონცეფციის მქონე კონკურსანტის გამოვლენა, რამაც ქალაქს უნდა შემატოს თანამედროვე იერსახის ღირშესანიშნავი სივრცეები. კონკურსის მსვლელობისას უპირატესობა მიენიჭება კონკურსანტის კრეატიულ იდეას, არასტანდარტულ და არაორდინალურ დიზაინს, რაც გულისხმობს ორიგინალურობას და პრაქტიკულობის სინთეზს.

განათების ბოძები უნდა მოეწყოს შემდეგ ხიდებზე:

- აღმაშენებლის ქუჩისა და რუსთაველის რკალის დამაკავშირებელი „დავით აღმაშენებლის“ ხიდი (140 გრ.მ)
- დ. აღმაშენებლის ქუჩისა და 9 აპრილის ხეივანის გადაკვეთაზე მდებარე ხიდი (25 გრ.მ)

კონკურსანტმა უნდა წარმოადგინოს: განმარტებითი ბარათი (A-4 ზომის ფორმატი, №12 შრიფტი, არა უმეტეს 4 ფურცელისა), გეგმა (ესკიზური სქემა), განშლა, რენდერები (მინიმუმ 2 ხედი) დამატებით მასალა შესაძლებელია ავტორის შეხედულებისამებრ.

გამარჯვებულ კონკურსანტთან გაფორმდება ხელშეკრულება, რომელსაც თან დაერთვება დავალება დაპროექტებაზე, სადაც დეტალურად იქნება გაწერილი წარმოსადგენი საპროექტო დოკუმენტაციის (სამუშაო პროექტი) შემადგენლობა

საპროექტო-სახარჯთაღრიცხვო დოკუმენტაცია მომზადებული უნდა იყოს საქართველოს კანონმდებლობის შესაბამისად და საქართველოში მოქმედი სამშენებლო ნორმებით და წესების სრული დაცვით.

იმ შემთხვევაში, თუ სამუშაოების შესრულების პროცესში აღმოჩნდება საპროექტო-სახარჯთაღრიცხვო დოკუმენტაციით გაუთვალისწინებელი დამატებითი სამუშაოების შესრულების აუცილებლობა, ამ დამატებითი საპროექტო-სახარჯთაღრიცხვო დოკუმენტაციის შედგენა განხორციელდება ანაზღაურების გარეშე.

შემსყიდველი უზრუნველყოფს, რომ კონკურსში მონაწილეს გადასცეს მოთხოვნის შესაბამისად შემდეგი გრაფიკული დოკუმენტაცია:

- არსებული ხიდების ამსახველი ფოტოები
- ორთოფოტო გადაღება მ 1:8000
- სიტუაციური გეგმა მ 1:8000
-

კონკურსში გამარჯვების შემთხვევაში საპროექტო-სახარჯთაღრიცხვო დოკუმენტაცია შემსყიდველისათვის წარმოდგენილი უნდა იქნეს, როგორც ბეჭდური (3 ეგზემპლარი), ასევე ელექტრონული ფორმით. A 3 ზომის ფორმატის ალბომის სახით.

რეკვიზიტები

1. კონკურსანტის იურიდიული ფორმა და დასახელება:
2. ხელმძღვანელის სახელი და გვარი:
3. კონკურსანტის იურიდიული მისამართი:
4. კონკურსანტის ფაქტიური მისამართი:
5. საიდენტიფიკაციო კოდი:
6. კონკურსანტის ტელეფონის ნომერი:
7. ელექტრონული ფოსტის მისამართი:
8. მომსახურე ბანკის დასახელება:
9. ბანკის კოდი:
10. ანგარიშის ნომერი:

კონკურსანტის ხელმოწერა _____ ბ.ა.

თარიღი _____

შენიშვნა: მიმწოდებლის მიერ წარმოდგენილი ყველა დოკუმენტი უნდა იყოს ხელმოწერილი და ბეჭედდასმული.

მინიმუმ 3 (სამი) წლის განმავლობაში შესრულებული საპროექტო მომსახურების, შესახებ, რომლის შესაბამისად საპროექტო მომსახურების საერთო ღირებულება უნდა შეადგენდეს არანაკლებ მინიმუმ 20000 ლარს

№	ობიექტის დასახელება	შემსყიდველი ორგანიზაცია	ხელშეკრულების ნომერი თარიღი დაწყება - დამთავრება	ხელშეკრულების ღირებულება	მიღება - ჩაბარების აქტით შესრულებული მომსახურების ღირებულება
1	2	3	4	5	6

ხელმძღვანელი:
ბ. ა.

დანართი № 3

საკონკურსო წინადადების ფასი

№	ობიექტის დასახელება	მომსახურების ღირებულება (ლარებში)
1	2	3
1	ხიდების განათების მოწყობის პროექტირება, კერძოდ: ა) აღმაშენებლის ქუჩისა და რუსთაველის რკალის დამაკავშირებელი „დავით აღმაშენებლის“ ხიდი ბ) დ. აღმაშენებლის ქუჩისა და 9 აპრილის ხეივანის გადაკვეთაზე მდებარე	
	სულ	

ხელმძღვანელი:
ბ. ა.

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს კონკურსში გამარჯვებულ პრეტენდენტთან ხელშეკრულების გაფორმების პროცესში.

ხელშეკრულება სახელმწიფო შესყიდვის შესახებ №

(მომსახურების შესყიდვა)

ქალაქი ფოთი

----- 2015 წელი

1. ხელშეკრულების დამდები მხარეები

1.1 ერთის მხრივ, ქალაქ ფოთის მუნიციპალიტეტი (ადგილობრივი თვითმმართველი ერთეული) - შემდეგში „შემსყიდველი“, ქალაქ ფოთის მუნიციპალიტეტის მერი -----
-- სახით და მეორეს მხრივ, -----” (კონკურსში გამარჯვებული), მისი დირექტორის ----- სახით - შემდეგში „მიმწოდებელი“ ვდებთ ხელშეკრულებას შემდეგზე:

„შემსყიდველი“ კონკურსის საშუალებით შეისყიდის, ხოლო „მიმწოდებელი“ (საპროექტო დოკუმენტაციის შედგენაზე კონკურსში გამარჯვებული) მიაწოდებს საპროექტო მომსახურებას (შემდეგში „მომსახურება“).

2. ხელშეკრულების ობიექტის დასახელება, კლასიფიკატორის კატეგორია, ქვეკატეგორია

2.1 შესყიდვის ობიექტი - საპროექტო მომსახურება

2.2 შესყიდვის საშუალება - კონკურსი

საკონკურსო განცხადების ნომერი - № -----

შესყიდვის კატეგორია - 71200000 - არქიტექტურული და მასთან დაკავშირებული მომსახურებები

კლასიფიკატორის (CPV) კოდი - 71242000 - პროექტისა და გეგმის მომზადება, ხარჯების გამოთვლა

3. ხელშეკრულების ღირებულება

3.1 მომსახურების საერთო ღირებულება შეადგენს ----- ლარს, დღგ-სა და საქართველოში მოქმედი კანონმდებლობით გათვალისწინებული გადასახადების ჩათვლით.

4. შესყიდვის ობიექტის მიწოდების ვადები და პირობები

4.1 შესყიდვის ობიექტის მიწოდების ვადაა - ხელშეკრულების გაფორმებიდან (----- კალენდარული დღის ვადაში) ----- ჩათვლით.

4.2 შესყიდვის ობიექტის მიწოდების პარალელურად, მიმწოდებელი ვალდებულია წარუდგინოს შემსყიდველის უფლებამოსილ პირს, შესაბამისი დოკუმენტაცია.

5. შესყიდვის ობიექტის ხარისხი

5.1 შესყიდვის ობიექტის ხარისხი უნდა აკმაყოფილებდეს ამ სფეროში არსებულ, საქართველოში მოქმედ სტანდარტებს, ხელშეკრულების პირობებს და შემსყიდველის მიერ განსაზღვრულ მოთხოვნებს.

6. ხელშეკრულების კონკრეტული მოქმედების ვადა

6.1 ხელშეკრულების კონკრეტული მოქმედების ვადა განისაზღვრება, ხელშეკრულების ხელის მოწერის დღიდან და მოქმედებს 2015 წლის ----- ჩათვლით.

7. შესყიდვის ობიექტის ანგარიშსწორების ფორმა და მიღება-ჩაბარების წესი

7.1 მიმწოდებელთან ანგარიშსწორება განხორციელდება ლარებში.

7.2 შესყიდვის ობიექტის მიწოდების ღირებულების ანაზღაურება მოხდება უნაღდო ანგარიშსწორებით – (გადარიცხვა). გამოიყენება წინასწარი ანგარიშსწორების მექანიზმი.

7.3 ანგარიშსწორება განხორციელდება შესრულებული მომსახურების მიღება-ჩაბარების აქტის გაფორმებიდან 10 (ათი) საბანკო დღის ვადაში.

8. ფორს-მაჟორი

8.1 მხარეები არ არიან პასუხისმგებელი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, ადგილობრივი ბიუჯეტის დეფიციტი, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევს შესაბამისი დროით, გარემოებათა დასრულების შემდეგ.

8.2 მხარე, რომელსაც შეექმნა ფორს-მაჟორული გარემოება დაუყოვნებლივ აცნობებს ამის შესახებ მეორე მხარეს.

9. ხელშეკრულების შესრულების კონტროლი

9.1 შემსყიდველ ორგანიზაციას უფლება აქვს ხელშეკრულების პირობების შესრულების კონტროლი დაავალოს, როგორც თანამშრომელს ან თანამშრომელთა ჯგუფს.

9.2 ამ მუხლის პირველი პუნქტით გათვალისწინებული პირების ფუნქციაა მისაწოდებელი ან/და მიწოდებული მომსახურების მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენა.

9.3 ხელშეკრულების პირობების შესრულების კონტროლის განხორციელება შესაძლებელია ხელშეკრულების შესრულების ნებისმიერ ეტაპზე. ხელშეკრულების შესრულების კონტროლს შემსყიდველის მხრიდან განახორციელებს -----

9.4 მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის განხორციელებისათვის აუცილებელი პერსონალის და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები.

9.5 მომსახურების ხარისხი უნდა აკმაყოფილებდეს საქართველოში მოქმედ ნორმებს და შემსყიდველი ორგანიზაციის მოთხოვნებს. მიმწოდებლის მიერ მომსახურების შესრულების დროს მიყენებული ზიანის ანაზღაურებაზე მთლიანად პასუხისმგებელია მიმწოდებელი.

10. ხელშეკრულების პირობების შეუსრულებლობა

10.1 ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქცია: ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა_ყოველ ვადაგადაცილებულ დღეზე ხელშეკრულების ღირებულების 0.2%-ის ოდენობით, ხოლო, თუკი ადგილი აქვს ვალდებულების ნაწილის შეუსრულებლობას და შესრულების ვადის გადაცილებას, პირგასამტეხლო შეადგენს ვალდებულების შეუსრულებელი ნაწილის 0.2 %-ს.

11. სხვა პირობები

11.1 ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან ერთი - მიმწოდებელთან, ორი - შემსყიდველთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

11.2 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

11.3 აღნიშნული ხელშეკრულებით გაუთვალისწინებელი საკითხები რეგულირდება მოქმედი კანონმდებლობით და შემსყიდველი ორგანიზაციის მიერ დამტკიცებული საკონკურსო დოკუმენტაციით.

12. მხარეთა იურიდიული მისამართები და რეკვიზიტები

„შემსყიდველი”

„მიმწოდებელი”
